



Aqqalu C.Jerimiassen
Atassut

UPA 2024/24 - 1
9. april 2024

Siunnersuut uunga: Inuussutissarsiutinik ilinniartitsinerit aamma inuussutissarsiutinik ilinniartitsinerup iluani pikkorissaanerit pillugit Inatsisartut inatsisaat
(Meeqanut, Inuusuttunut, Ilinniartitaanermut, Kultureqarnermut, Timersornermut
Ilageeqarnermullu Naalakkersuisoq)

Atassummiit assut takujuminaatsipparput una inatsisissaq ila sutigut ilinniarfeqarnikkut eqaalleriaataasinnanersoq.

Tassami oqariartuummi takuneqarsinnaavoq, siulersuisoqarnikkut inissisimaneq peerneqarsinnarluni aqutsineq tamakkiisumik qitiusumut nuunneqarniartoq.

Eqqarsariaallaannarporlumi takullugu, suli ulloq manna tikillugu soormitaavaana aappalutukkut taamarsuaq eqiterussissallutik nuannarisaraat?

Tusarniaanerimmi qiviariaraanni, Perorsaanermik ilinniarfimmut tunngatillugu Avannaata Kommunianit Sulinermik Inuussutissarsiuteqartullu Kattuffiannit inatsississaq aaqqiissutissatsialaanersoq apeqquserneqarmat.

Tassani apeqquserneqartoq ersarissorinarpooq, ilumut qitiusumut inissiinikkut naammassaqarsinnaassutsip qaffassinnaanissaa qlarineqartoq oqaatigineqarmat.

Taava taannaassannginnerpa tusaaniagassarput?

Ilinniartitaanikkummi pitsangorsaassagaanni, maannamut killiffillu uuttuutiginiakkat qiviaraanni, sunaana ila qitiusunngorsarsimasarpummita nunatsinni taama iluatsilluarsimatigisoq?

Immaqa naalakkersuisoqarfiiit allaffissornerisa alliartornerat taanna iluatsilluartortaavoq, inatsisartullu inuit qiningaasa oqartussaanerisa appariartornerannittaaq kingunilimmik.

Ilumut taava torraanerussanerpa una isuma?

Siunnersuut annertuumik Atassummiit apeqqusernartoqartillutigu, tusarniaanermilu akissuteqaataasut qimerluuataareernerini aaqqiissutissatut isigisinnaannginnatsigu siunnersuut ilusimisut iluseqartillugu toqqaannartumik itigartikkumavarput.